

Ленинэнь Киява

ВЛКСМ-нь Мокшэрзянь обкомонть ды Саранскоень ошонь комитетэнь газетаст

ВЕСЕ МАСТОРТНЭНЬ, ПРОЛЕТАРИЙТНЕ, ПУРНАВОДО ВЕНС

ИЮЛЕНЬ
2 чи,
1937 ие
№ 74 (748)

ЛКС: 7-це ие
ЧННЬ ЮТЭЗЬ

ИНФОРМАЦИОННОЙ СООБЩЕНИЯ ВКП(б)-нь ЦК-нь ОЧЕРЕДНОЙ ПЛЕНУМДОНТЬ

Нетъ читнестэ прядовсь ВКП(б)-нь ЦК-нь очередной Пле-
нумось. Пленумось ваннзе „СССР-нь Верховной Совете коч-
камотнеде Положениянь“ проектэнь ды шнызе сонзэ.

Седе тов Пленумось вансь вопроет: а) зерновой культу-
рань видьметнень вадрылгавтомадо, б) правильной севообо-
ротнэнь ютавтомадо ды в) МТС-тнэнь роботаст вадрылгав-
томань мератнеде.

Пленумось шнызе зерновой культурань видьмекстнэнь
вадрылгавтомань мератнеде СССР-нь СНК-нть путовксонь
проектэнь.

Правильной севооборотнэнь ютавтомадо проектэнь, ко-
нань теизе СССР-нь Наркомземнь Комиссиясь,—Пленумось
шнызе в основном печатсьэ опубликованиянь ды сонзэ эрва
ендо толковамонть туртов истя, штобу вопросонть омбоцде
ванномс ЦК-нь сыця Пленумсо.

МТС-тнэнь роботаст вадрылгавтомадо СССР-нь НКЗ-нть
предложениянзо Пленумось максынзе, прок материал, тарка-
ва партийной ды советской организациятненень толковамос.

„СССР-нь Союзонть Оборонань Кемекстамонь Заемонь“ Нолдамодо

ССР-нь Союзонь Центральной Исполнительной Комитетэнь
ды Народной Комиссартнэнь Советэнь путовксост

Советской Союзонь трудиятнень пек ламо предложенияст ло-
возь ды трудиятнень касыця сбереженияст Советской Союзонть
оборонанзо кемекстамонть таргамонь цельтнесэ, ССР-нь Союзонь
Центральной Исполнительной Комитетэсь ды Народной Комиссарт-
нэнь Советэсь путыть:

1. Нолдамс ССР-нь Союзонть оборонань кемекстамонь госу-
дарственной внутренией заем 4 миллиард целковойт лангс.

2. Заемонть нолдамс 20 иень шкас—1937 иень декабryanь 1-це
чистэнь 1937 иень декабryanь 1-це чис, иезнзэ 4 процентт пандома
марто.

3. Заемонть облигациятнень ды доходтнэнь эйстэ, тесэ выиг-
рыштнэяк, государственной ды таркань налогт ды спорт а санть.

4. Заемонть условиятнеде ды реализациянь порядоктонть ин-
струкциятнень нолды ССР-нь Союзонь Финанстнэнь Народной Комис-
сариатось, кемексты эйсэст ССР-нь Союзонь Народной Комиссарт-
нэнь Советэсь.

ССР-нь Союзонь Центральной Исполнительной Комитетэнь
Председателесь М. КАЛИНИН.

ССР-нь Союзонь Народной Комиссартнэнь Советэнь Пред-
седателесь В. МОЛОТОВ.

ССР-нь Союзонь Центральной Исполнительной Комите-
тэнь Секретаресь И. Акулов.

Москов, Кремля, 1937 иень июлень 1-це чи.

Робоче-Крестьянской Якстере Армиянь командиртнэнь Советской Союзонь Героень званиянь максомадо

СССР-нь Центральной Исполнительной Комитетэнь
путовксозо

СССР-нь Центральной Исполнительной Комитетэсь путы:

Советской Союзонть оборонной виензэ кемекстамонть коряс
правительстванть специальной заданиятнэнь образцовыстэ топавто-
манть кис ды те тевсэнть невтезь героизманть кис максомс Совет-
ской Союзонь Героень звания Ленинэнь орденсэ казема марто:

1. Комбригентень Хользунов Виктор Степановичнэнь.

2. Майоронтень Прокофьев Гавриил Михайловичнэнь.

3. Капитанонтень Цаплин Павел Алексеевичнэнь.

4. Капитанонтень Баланов Никифор Федотовичнэнь.

5. Лейтенантонть Склезнев Георгий Михайловичнэнь.

6. Мл. командирэнтень Юдин Михаил Владимировичнэнь.

СССР-нь Центральной Исполнительной Комитетэнь
Председателесь М. КАЛИНИН.

СССР-нь Центральной Исполнительной Комитетэнь
Секретаресь И. АКУЛОВ.

Москов, Кремля, 1937 иень июлень 27-це чи.



Июлень 25-це чистэ Московов велявтсь Пелеве ено полюсонь изни-
цятнень героической воздушной эскадрась.
СНИМКАСОНТЬ: Сталин ялгась палси экспедициянь участникенть
флажтурманонть И. Т. Спириин ялганть. Вить ено—Молотов ялгась.
Фотось Сабельниковонь (Союзфото).

КОМСОМОЛЬСКОЙ ОБЛАСТНОЙ ОРГАНИЗАЦИЯСОНТЬ ОТЧЕТНО-ВЫБОРНОЙ КАМПАНИЯНТЬ МОЛЕМАДО

ВКП(б)-нь Мокшэрзянь областной комитетэнь
1937 иень июлень 26-це чинь путовксозо

ВКП(б)-нь обкомонь бюрось
тешксты, што комсомольской ор-
ганизациятнесэ отчетно-выборной
кампаниясь моли аволь удовлетво-
рительностэ. Комсомолонь обко-
мось ды ламо райкомт (Шайгова,
Торбеева, Инсар ды лият) кочка-
мотнесэ руководстванть ветить
формальностэ.

ВЛКСМ-нь ЦК-нь III-це плену-
монть решениянзо те шкас ламо
комсомолецтнэненень апак пачтя.
Башка районтнэсэ (Ичалки, Кочку-
рова, Лямбиль) отчетно-выборной
прмкстнэ молиять алкине актив-
ностсэ ды арась большевистской
эрявикс критика ды самокритика,
организациятне допрок аволь са-
тышкасто мобилизовазь комсомоль-
ской руководящей работникень
кадратнэнь ды комсомольской ве-
се организациятнь враждебной ды
чуждой ломантнесэ ваньксавто-
маст кис бороцямонть.

Комсомольской организациятне-
сэ отчетно-выборной кампаниянь
истямо состоянианть основнотув-
талокс ашти комсомольской ор-
ганизациятнень кочкамонь теветь
эйсэ ВЛКСМ-нь обкомонть пельде
оперативной ды конкретной руко-
водствань аразесь ды ВКП(б)-нь
райкомтнэнь ды первичной партор-
ганизациятнень пельде допрок аса-
тышкасто практической лездемось.

ВКП(б)-нь обкомонь бюрось путы:

1. Кармавтомс ВЛКСМ-нь обко-
монть решительностэ вадрылгав-
томс комсомольской организацият-
нень кочкамотнесэ руководстванть.

ВКП(б)-нь обкомось кармавты
ВЛКСМ-нь обкомонть, ВКП(б)-нь
райкомтнэнь теемс истя, штобу
отчеттнэнь ды кочкамотнэнь ютав-
томсто келейстэ молевель больше-
вистской критикась ды самокрити-
кась, кепедемс комсомольской ор-
ганизациятнень революционной
бдительностест ды непримиримос-
тест партиянь ды народонь врагт-
нэненень, яволявтомс пощадавтомо
бороцямо весе контрреволюцион-
но-троцкистской; буржуазно-нацио-
налистической, ды враждебной лия
проявлениятнэнь ды сынст конкрет-
ной теицятнень каршо, ветьямс ды

организовамс организациянь по-
литической касоманзо комсомо-
лецтнэнь ды од ломантнень ком-
мунистической воспитаниядо
ВЛКСМ-нь ЦК-нь III-це плену-
монть решениянзо топавтоманть.

2. Аравтомс отчеттнэнь ды коч-
камотнэнь молемадо обкомонть
икеле ВЛКСМ-нь райкомтнэнь ре-
гулярной (вете чинь) подробной
информация.

3. ВЛКСМ-нь обкомонть ды
ВКП(б)-нь райкомтнэненень теемс
сенъ, штобу июлень 5-це чис пер-
вичной комсомольской весе ор-
ганизациятнесэ толковамс ВЛКСМ-нь
ЦК-нь III-це пленумонь решеният-
нэнь. ВКП(б)-нь райкомтнэненень
ЦК-нь пленумонть решениянзо тол-
ковамонть коряс лезксэнь максомо
райпартактивстэнь явомс ломанть.

4. Меремс ВЛКСМ-нь обкомон-
тень ВКП(б) нь обкомонь ОРПО-нть
марто вейсэ июлень 28-це чис коч-
камотнэнь ютавтоманть коряс
ВЛКСМ-нь райкомтнэненень лезк-
сэнъ максомс явомс республикан-
ской комсомольской ды партактив-
стэнь ломанть 15—20 чинь шкас.

5. Кармавтомс республиканской
ды районной газетатнэнь келейстэ
невтемс комсомолсо отчетно-коч-
камонь кампаниянь молеманзо ды
кочкамотнэнь лангсо парторгани-
зациятнень руководстваст.

6. Кармавтомс ВКП(б)-нь рай-
комтнэнь вадрылгавтомс комсомол-
со кочкамотнэнь лангсо первичной
парторганизациятнэнь ендо руко-
водстванть. Ютавтомс парткомонь
секретартнэнь ды парторгтнэнь
районной ды кустовой совещаният,
райкомонь бюросо кунсолокшномс
кочкамотнэнь лангсо руководствань
ветямодо парторгтнэнь отчетост.

7. ВКП(б)-нь обкомось теи пре-
дупреждения ВЛКСМ-нь обкомон-
тень, ВКП(б)-нь райкомтнэненень ком-
сомольской организациятнэнь отчет-
ной кочкамонь промксост ютавто-
масонть капшамо снартнематнэнь
каршо, кона (капшамось) теи зыян
сынст анокстамонть ды ютавто-
манть.

ВКП(б) нь обкомонь
секретаресь В. ПУТНИН.

ПОКШ ПАСИБА СТАЛИН ЯЛГАНТЕНЬ

Колхозниктнэ учить оборонань заемонь нолдамонть

Покш Кузьмина велень Ворошилов лемсэ колхозсонть ютавтозь колхозниктнэнь промкс, косо толковазь ВКП(б)-нь ЦК-нь ды СССР-нь СНК-нь путовкост Мордовиянтень лездамо.

Колхозниктнэ евтась покш пасибя народтнэнь ине вождентень Сталин ялгантень.

— Родной тетякс мелявты Сталин ялгась минек кис. Сонзэ личной инициативанзо коряс, — сермадсть эсь резолюциясонь колхозниктнэ, — минек республикантень максозь покш лезкс, кона минек эйсэ кармавты седеяк парсте роботамо.

Колхозниктнэ сайсть обязательства, што тедидень паро урожаенть сын пурнасызь шкастонзо, емавкстомо, организовамс социалистической пелькстамо бригадатнэнь ды звенатнэнь ютксо, колхозниктнэнь ютксо вадрясто аравтомс массово-воспитательной роботанть.

Теке марто колхозниктнэ позорсо клеймизь фашистской нулгодькстнэнь: Тухачевскоень Якирэн, Уборевичень, Эйдеманонь ды лиятнэнь. Колхозниктнэ вейкетть мельсэ швызь кшнинь ки лангонь робочейтнэнь инициативаст оборонань заемонь нолдамо, энялдсть правительствантень седе курок нолдамс те заемонть ды весеменень сермадстомс сонзэ лангс.

„Мокшэрян АССР-нь вопростнэ“ СССР-нь Совнаркомонть ды ВКП(б)-нь ЦК-нь путовкост июнь 24-це чистэ толковизь Баевань колхозниктнэ. Сынь васень вал ды пасибя евтась Сталин ялгантень, советской правительствантень. Теке марто энялдсть седе курок нолдамс СССР-нь оборонань заем.

Г. Юртаев.

Ардатовань район.

МОКШЭРЗЯНЬ ПИСАТЕЛЬТНЕНЬ СОЮЗОНЬ ПРАВЛЕНИЯСОНТЬ

Июнь 28-це чистэнь ульнесь Мокшэрян писательтнэнь союзонь правлениянть келейгавтозь заседания, косо ваннозь Артур Моронь творчествадонзо вопросось ды советской литературанть враждебной теченианть — „литфронтонть“ марто сюлмавомадонзо.

Моронь творчествадонзо сообщени тейсь Рогожин ялгась. Поэтэнь ниле сборниктнэнь коряс сон невинзе авторонть творческой ды идеологической асатыкстнэнь. Моронь неть асатыкстнэде ды ильведькстнэде евтнэсть пре nicho кортыцятнеяк (Куторкин, Сафронов, Прохоров, Ильфек ды лият).

Васняк невтезель Артур Моронь отношениязо критикантень. Сонзэ стихтнэде сермадозель ламо, невтезель поэтэнь основной асатыкстнэ лангс, но сон меельсэ шканть самс мезексак эзь лово виде критиканть (минь кортатано алкуксонь, шумбра критикадонть, конадо башка Артур Мородо ульнэсть а виде, ильведьксэв толковамотак) Артур Моро ловизе мик эрвиксэкс яволятомс, што сонэнзэ а мезть кунсолонс „оселтнэнь“ (критиктнэнь). „Кавказонтень“ стихсэнзэ („Эрямонь ким“, 117 стр.) сон сермады, што сонзэ кувалт „берянь кулят пек ламо нолдасть“ (критиковасть эйсэнзэ, невтесть ильведьксэнзэ). Секс яволявтысь:

„Мон а пелян чавс нолдазь
валтнэде,
Ведь оселдонть тунь а пели
лев“...

Сень таркас, штобу витемс асатыкстнэнь, Артур Моро кармасть сынст эщо седеяк пек тейнеме. Ды тень невти сонзэ меельсэ сборниксэ — „Эрямонь ким“ — конась заседаниясонть ловозь зыяновкс ды тень чаркодизе ней сонськак Артур Моро.

Поэтэнтень а весть ульнесь невтезь сонзэ писмизманзо, упадничестванзо лангс, яла теке сон малав меельсэ шканть самс яла авардсь, яла ризнась ды сонськак эзь сода мезень кис, кодаяк а чаркодизе эсинзэ эрямонзо, сезеве-

зель трудица массатнэнь эйстэ, мелявтыль эсинзэ славанзо кис. А стяко сон сермалесь, што куломанонзо мейле эрзятне тензэ стальстэ памятник валыть. А стяко сон малав весе эли сех ламо стихэнзэ сермадынзе эсинзэ кувалт. Эрямонть видестэ невтеманзо таркас, сон эсь прынзо лови валдосто цитница тештекс, кона аволь умок появась. Те эщо аламо, Артур Моро лови прынзо мик... вождекс. Сон эщо меельсэ шканть самс кой-кона стихсэнзэ эзизе чаркодекшне минек од эрямонть. Сень таркас, штобу невтемс валдо, мазый, вела эрямонть, Артур пажни:

„Вайгелем эйстэ сыргозить
уды велеть (?)“

Ды ашолгадыть чопода ветне... „Всела поэт“ стихсэнзэ Артур Моро снартни стямс истямо богатырекс, кона бу мекевлангт велявтовлизе весе масторлангонть. Истямо енов моли „Сырнень пакся“ стихэзьяк. Вейке таркасо сермады:

„Пек арсян, пек арсян, пек
арсян
Ватицьякс беднойтненень
улемс“...

Неть валтнэ сынсь кортыть эсист кис. Сынь невтесть, што Артур мезть-бути арси яла вешнемс, мезе-бути яла аволь сонзэ коряс. Сень кувалт, што сон сезевезель минек эрямонть эйстэ, сермадсь эсинзэ кувалт ды эсинзэ кис, Артур Моро мик а чаркодиль эсь прынзо. То уш вант сон геройкс карми улеме, весела, то уш сареди прызо, ризны седезэ, обижить эйсэнзэ, а чаркодить сонзэ „Большевикс мораса“ стихсэнзэ сермады:

„Кичкерестэ таргазель
Пингень ким.
Ах, нейкак кичкере,
Мерят гуй.
Ризксэсь потмом керн
Апак туй“.

Артур Моро весеменень лангс пеняци, ламонь сюды. „Стихотворениядо“ стихсэнь аварди.

„Пек стака улемс эрзянь поэ-
тэкс,

Минек ютксо ламо тумонь
прат“.

„Кавказонтень“ стихсэнзэ корты, што „Эрзянь поэт... Саранонь рудазос ваясть“. Весе те ашти аволь мезексак лиякс, но мокшэрян народонть лангсо пеелемакс, мокшэрян культуранть касоманзо а неемакс.

Кортась сонсь Артур Моро. Сон евтнэсь, што сонзэ творчествасонзо ильведькстнэ лиссть секс, што сонэнзэ ульнесь аволь паро отношения. Те толковамось педепев а виде. Ды эсь кортамосонзо Моро мезеяк од эзь епта. Сон ансяк мерсь, што тесэ теезь критиканть признаю весе. Артур эзь тее эсь ильведькстнэнь анализ. Наивной, эйкакшокс витькстамось — те аламо, сон а лезды педепев чаркодэмс эсь асатыкстнэнь ды витемс сынст.

Артур Моро сюлмавозель „литфронтонть“ марто. Зярд кармась тень кувалт кортамо ды кевкстнематне лангс отвечамо, сон мезеяк эзь епта, весементь сепс, мерсь мон сестэ ульнинь эщо од, мезеяк а чаркодильнэ ды лият. Эрва кода эсь прынзо невтиль а чумокс. Артур Моро вейсэ лия литфронтонь вейсэ марто сермалесь соболезнования „литфронтонть“ лидерэнт Костровонь куломанонзо, косо яволявтысь: „Кулось Костров, эри литфронтось“. Те соболезнования печатазель „Якстере тештесэ“. Артур Моро мезеяк чаркодексик эзь епта Дуяшин — „литфронтонь вейсэ“ марто сюлмавомадонзо. Валгак эзь епта седе, што „Пургинень зэрт“ книгасонзо сермадсь стих народонь врагонть Чесноковнэнь, конаньсэ тензэ алтызе весе сборникенть ды Чесноковонь ловизе эсинзэ васень сех паро тонавтыцьякс.

Заседаниясонть мерезь парсте содамс, кода Артур Моро сюлмавозель „литфронтонть“ марто ды сестэ решамс вопросонть писателень союзонь членкс улемадонзо. Заседаниясь Артур Моронь меельсэ сборникенть ловизе зыяновкс ды мерезь, штобу сон улевель саезь микшнеманть эйстэ.

Эмиль Пятай.

С. УРАНОВ.

Омбо масторонь разведкатнэнь вербовочной роботань коварной кой-кона приемтнэде*)

Получазь ламо серматнэнь ютксо ульнесь вейке серма, косо ризнавкс-мелявкс марто сермадозель авторонть материальной стака положенидонзо, именна: кодамо бути учительница, кона три колмо ломаньсэ семья, энялды а максомс окончательной решения лия тонавтыцятнэнензэ ярс личной кортамосо а несы, што келенть содамонзо ды преподаваниянть методонть корясте учительница селитнэнь коряс седе вадря. „Л“ ульнесь апак урваксто, ялгатнэнь ютксо лововсь вадря партиецкс, общественникс, эрямо-койсэ скромной ломанекс. Роботань участказо куш ульнесь технической, но пек ответственной, секс, што роботанть характерэнзэ коряс сон содасть государственной важной ламо секретт. „Л“ отвечась согласиясо ды энялдсь „пишгитц“ учительницантень самс сонэнзэ кортнеме. Аравтозь шкасто сась од, 26 несэ, мазый

тейтерь, лемензэ евтнэзе Мери ды васенце кортнемстэ жо скромной внешностьсэнзэ тусь „Л“-нь мелезэнзэ ды токизе седеензэ эсинзэ материальной стака положенидонзо евтнемасонть.]

Ушодовозь уроктнэ ютасть „Л“-нь квартирасонзо зярыя ковань перть нормальнойстэ. Те шкастонть „Л“ теевсь оякс тонавтыцянзо марто, ушодовсть ошонь перька вейсэнь прогулкат, кино якамоды лият. Отошенианть тейневсть яла седеяк пек оянь. Вейсэнь занятиятнэнь шкасто, Мери вестьяк эзь кевкстне истят кевкстемат, кона теевельтэ бу подозрения. Политикань вопростнэсэ Мери чаркодсь аламо, куш кортасьяк, што фаватически кемиця аванзо эйстэ салава, сон ловнось книгат Советской Союздо, ды, нама, бути сонзэ улелель седе лама ютко шказо, сон, бу седейшкавановоль большевиктнэнь лангс. Весть чокшие, обычной уроконь пингстэ, Мери маризе ежонзо бе-

ряньстэ. Сон энялдсь тердемс врач — сонзэ васолце „Н“ родиянзо. Врачонтэ само шкас Мери эжозо седеяк беряньгадсь, савсь сонзэ тутомс диван лангс. Савь врачось мерсь, што Мери пек сизесь ды лавшомгадсь седезэ. Врачось макссь порошок, мерсь, што сон курок ойма ды матедеви, „Л“-нень мерсь Мерины а стывтомс, максомс сонэнзэ сэтмествэ мадезь аштеме ды тусь. Югнэсть част, Мери эзь сыргозе, ды кода пачкодсь вень колмоце час, „Л“ решась, што бути сон натой сыргозияк, то те шкастонть сонзэ а паро уш нолдамс квартирасонть. Сизезь „Л“ курок сонськак матедеви. Валске сыргоземадо мейле, „Л“, мик дивазевсь, зярд диванонть лангсто Мерины эзизе муе, арасель сон истя жо квартирасонтькак. Сон седеяк дивазевсь, зярд сон эзинзе муе панжоматнэнь эсинзэ квартирань а парадной, а раужо ходонть эйстэ. Панжоматне емасть, зяро сынст эзь вешне „Л“, эзинзе муе. Савсь телефононь вельде тердемс слезарь панжомань яжамо. Сень таркас, штобу модемс эсинзэ ялгатненень ды евтнемс те тевденть, „Л“ кармасть пелеме, кода бу кияк аволь арсе, што те-

евтнесы, што сонзэ ды Мери ютксо ульнесь мезеяк, што панжоматнэнь емамонь историйанть кияк а кемсы ды што весе теевезенть результатсо сонзэ ланга кармить кортамо, човорысызь фактнэнь ды могут ушодовомс кортамот, конатнэнь эйстэ, берянде башка, учомс а мезть. „Кашт модемс, — решизе „Л“, — ведь мондэнь башка кияк мезеяк а соды“. Тевесэ жо ульнесь сеньсэ, што „Л“-нь подозрениязояк арасель, што контрразведкась, конань агентэкс ульнесь Мери, эсинзэ планонзо строинзе самай се психологической моментэнтэ лангсо, што „Л“ пели киненьгак евтнеме сонзэ квартирасонзо Мерины удамадонзо, панжоматнэнь емамоност ды яжась кенкштнэде.

Зярд ютасть зяро бути шка ды „Л“ кармасть уш стувтомо ютасть тевенть, вейке чокшнэстэ сонэнзэ квартирас сась апак содань ломань ды, таркань контрразведкань агентэкс прынзо ептазь, мерсь, што сонэнзэ контрразведкань шефесь мерсь вастомо мартонзо ды кортнемс сонзэ ды Мерины ютксо лисезь тевденть. Агентэнтэ валонзо коряс, Мери макссь контрразведкась яволявкс, што сонзэ ученикэзэ — границань томбале со-

(Поладксозо 3-це страницасо).

*) Ушодоксонзо вант 72 ды 73 №-сэ.

Ардатовасо колсить ВЛКСМ-нь ЦК-нть серманзо

Ардатовань районсо комсомольской 45 организациятнень эйстэ отчетно-кочкамонь промкст ютавтозь 9 организациява. Васень промкстнень опытнестэ неяви, што комсомольской организациятнесь овси лавшосто анокстыть промкстнень. Анокстамосонть комсомолонь райкомось кодамоак руководства а вети. Аволь ансяк комсомолетнэ, но мик комсортнэяк, комитетнэ секретартнэяк, комсомолонь райкомонь представительнэяк кода эряви а содасызь ВЛКСМ-нь ЦК-нь III-це пленумонть решениянзо ды кочкамотнень ютавтомадо ВЛКСМ-нь ЦК-нть серманзо. Секскак районсонть улить ламо случайт, зярдо отчетно-кочкамонь промкстнень ютавтомадо колсевкшны ВЛКСМ-нь ЦК нть серманзо ды пленумонть решениятне.

Примеркс сайсынек педучилищань комсомольской комитетнэ. Промкстонть ютавтома тов ульнесь кучозь ВКП(б)-нь райкомонь инструкторось Степаненков ялгась. Эриволь бу арсеми, што тосо кочкамотне ютыть парсте, секс што Степаненков ялгась кочкамонь порядканть содасы эшо парторганизацийнэ кочкамотнестэ. Но теvesь лиссь мекев-лангт; ВЛКСМ-нь ЦК-нть указанинзо колызь грубойстэ, секскак комсомолонь райкомонть савсь кавксты полавтомс промксонть ды невтемс Степаненковнэнь, што сон грубойстэ колси ЦК-нть серманзо.

Промкстонть тосо анокстакшность пек лавшосто. Критикась ды самокритикась келейгавтозель асатышкасто. Счетной комиссиясь ловнынзе тайной голосованинэнь результатнэнь, но бюллетеньс сынст эзинзе печата. Голосованинэнь

результатнэнь сын пекстызь таго ячикс ды сынсь тукшность. Омбоце чистэнтэ сась тов аволь партийной ды аволь комсомолец учитель, пажизе ячикенть, ваннынзе тайной голосованинэнь результатнэнь. Те сестэ, зярдо весе неть документнэ должны ванстовомс секретной документнэнь ладсо.

Тедэ башка, счетной комиссиясь лиснесь помещениястонть, инструкциясонть жо сермадозь, што счетной комиссиясь атак лисе помещениястонть, панжсы ячикенть ды тедэ мейле теи голосованинэнь результатнэнь ловнома.

Голосованинэнь ютавтомадо ульнесь менестязь вейке кандидатура, конань выдвигали комсомолетнэ.

Истя жо грубойстэ колазь инструкциясь аволь полной средней школань ды НКВД-нь организацийтнэсэ, косо райкомонть представителекс ульнесь Торопкин ялгась. НСШ-нь организациясонть промксоось полавтозь ды кадозь сентябрь ковс. Теньсэ райкомось колызе III-це пленумонть резолюциянзо, косо мерезь, што первичной организациятнень эзга отчетно-кочкамонь промкстнэнь прядомс августонь васень чис. Тосо комсомолонь комитетс кочказь колмо члент, конатнень эйстэ кавтотне (тесэ жо комитетнэ секретаресь) прядызь школанть ды туйть тонавтнеме лия учебной заведениянь.

Седе парсте ютасть промкстнэ сокортнэнь школасо ды полной средней школасо. Полной средней школасо келейстэ ульнесь аравтозь критикась. Тосо 32 комсомолетнэнь эйстэ прениясо кортнестэ малав пелешкаст.

Г. Юртаев.

Мекс райкомось а максни комсомольской билетнэнь

Дубенкань район. Антоновка велень комсомольской первичной организациясь умок уш примась ниле од комсомолецт. Тевтне максозель райкомов. Райкомонь бюросо примамось кемекстазь март ковсто. Шкась ютась ниле ковт. Одс примазь комсомолетнэненэнь

жо те шкас яла атак макст комсомольской билеттэ эли куш временной удостовереният.

Комсомолетнэ ламоксть якасть райкомонь секретарентень, сон яла маньши эйстэ: садо вана истямо шкасто.

Ф-ин.

ОМБО МАСТОРОНЬ РАЗВЕДКАТНЕНЬ ВЕРБОВОЧНОЙ РОБОТАНЬ КОВАРНОЙ КОЙ-КО- НА ПРИЕМТНЭДЕ

(ПОЛАДКСОЗО)

ветской вана истямо учрежденинэнь сотрудник, конань сон тонавтсь ламо ковань перть, кона прынзо ветясь парсте, меельсэ уроконть шкасто каванизе сонэз пирожной марто чайде. Ярсамсто сонэз кармасть велямо превензэ. „Л“ тердсь врач, кона макссь тензэ порошок. Порошкатнеде мейле сон кармасть марямо ежонзо аламодо седе парсте ды матедевсь. Ветс сон кода бути сыргойсь такодамо сталмо до ды физической покш саредь кстэ. Зярдо тензэ сась ежо, сон неизе сонэз диванонть лангсо „Л“-нь, конась будто снартнесь сонэз насилувамс, теке марто эсь снартнэманзо пингстэ садистэкс мудясь эйсэньз ды сусконизе 15 таркадо аволь аламо. Аволь куватысь каршо молемадонть мейле сонензэ удалась менемс ды оргодемс лия комнатас. Яла теке тостояк „Л“ сасызе сонэз, ды сынст ютксо бороцямось ушодовсь одс. Зярдо тензэ а ков ульнесь туемс, Мери каподизе сал марто ваканонть, кона ульнесь столенть лангсо ды чукадизе сонэз „Л“-нь сельмес. Сень эйстэ пелезь, што „Л“ прев-

темень состояниасо улезь, карми пансеме мельганзо, Мери чиезь лиссь ды пекстынзе кивартианть парадной ды раужо кенкштнэнь. Эсь яволяксозонзо Мери пугсь панжомань керькс ды „Н“ вачонть свидетелстванзо, кона ульнесь тердезь „Л“-нь квартирас ды кона кемекстызе, што „Л“ энялдсь тензэ а саемс Мерины курдов ды кадомс сонэз квартирас. Свидетелствасонть докторось невтсь, што омбоце чистэнтэ Мери сась сонензэ пек покш расстройствасо ды сонэз рунгонзо лангсто ульнесь муезь верь марто 15 сусковкст.

Агентэнь кунсолозь „Л“ ульнесь уш пек берянь состояниасо ды сонензэ эзь пурнаво эсь мелензэ. Сон кармасть парсте чаркодемэ вейке, што ашти емамонть чиресэ ды те сонензэ а содавикс ломаненть кедьсэ целанек. Сонэз педэ-пес саизе эсь прынзо идемань мелесь, сень атак чаркоде, што вейкине кись—модемс ды весе евтнемс малавикс ялгатненэнь, омбоце решениясь жо—нейке емамо. Контрразведкань планось ульнестэ теезь пек арсезь. „Л“-нь вербовкась ульнестэ аравтозь истя, штобу психологически невтемс тензэ контрразведканть аволь сонэз повицьякс, кона ушодызе весе те те-венть, но сонэз идицьякс, кона эря-


монь стака шкастонть сась сонензэ лездемо ды секс контрразведкасто истямот паро ломантненэнь можна теемс кой-кодот „вишка“ услугат.

Агентэсь мерсь, што контрразведканть а эряви сонэз компрометациясь ды скандалось секс, што теvesь моли аволь рядовой ломаньде, но ответственной сотрудникте, истямо масторонь, кона марто сонэз правительствась ашти дипломатической нормальной отншениясо. Но бути яволяксоось сась, контрразведкась обязанной ветямс дознания ды максомс те-венть прокуроронтень. Те теветень коряс сын уш тердтнэзь Мерины, кемекстнэнь сонэз ды эсь инициативасо мерсь тензэ а сыргавтнемс скандал ды мирямс. Мери куватысь эзь соглася, но контрразведканть лепштямонзо коряс согласясь, ансяк аравтсь условия, што 5 чинь ютамс сон получи сырнень 5 тыщат целковойть. „Л“ васня эзь соглася, мейле согласякшность седе вишка сумма лангс, но агентэсь мерсь, што сонэз аравтсь полномочиянзо ветямс истят кортнемат. Меельсэ читнестэ „Л“ вастнесь агентэнь марто, толковась тензэ, што ярмаконзо аравтсь ды саемс сынст тензэ а косто. Колмоце чистэнтэ „Л“ марто свиданиясь сась иностранец, кона мерсь, што

сон контрразведкань начальниенть помощникезь. Сон макссь чаркодемс „Л“-нь, што анок лездемо тензэ саеме бацкасто ярмакт, но те лездемонть кис сон арси получамо „Л“-нь пельде кой-кодамо компенсация. Контрразведкась ламо а вещи, сонензэ эряви ансяк штобу масторсонть улелель мир ды порядок, сонензэ жо макстнить ламо доност. Сеельстэ стака содамс мезесь виде, мезесь кенгелема ды секс контрразведкась энялды ансяк макстнемс эсь заключениет ды мельть сеть ломантнеде, конатнень арси содамс контрразведкась.

„Л“ учнесь пек седе берянь. Сонензэ те вешемась неяви пек аволь важной текекс. Сон натой кармасть кемевтеме эсь прынзо сеньсэ, што сон теи пек паро тев—карми идеме советской ломантненэнь Советской Союзонь врагтнэнь пельде возможной кенгелемадонть. Эшо вейке эскедькс—ды „Л“ араволь бу родинань предательствань емамонь кинть лангс.

(Поладксозо сы М-тизэс).



„САДКО“ ЛЕДОКОЛОНТЬ АРКТИЧЕСКОЙ РЕЙСЭЗЭ
СНИМКАСОНТЬ „Садко“ ледоколось Баренцова иневедьсэ.
Фотось К. САБЕЛЬНИКОВОНЬ (Союзфотос).

ВАДРЯ УШОДКС

Б. Березники. Шугурова велень комсомолонь организациясь тейсь вадря ушодкс эсинзэ роботасонзо. Тосо июнень 20-це чистэ комсортось Пивкин ловнома кудос пурнакшнынзе велесэнь эйкакш марто весе тейтерь-аватнень. Аванек-тейтернек весемезэ сакшность 156 ломанть.

Тозой ульнесь тердезь больницясто Маколкин врачось, кона

кунсолыцятненэнь тейнесь лекция седе, кода эряви трамс-кастомс эйкакштнэнь, евтнинзе эйкакшонь орматнень появамоост ды лечамост.

Лекциядонть мейле аватне кунсолость радио ды патефон, тейтерне гармошкань коряс морсест частушкат ды киштнестэ.

Бекшаев Н.

ПЕТА ШИШКИН—БРИГАДИР

1931 иестэнтэ Чамзинкань компатефон, костюм, кавто ствол комсомольской организациясь Шишкин Петянь кучизе трактористнэнь курсов, конатнень сон прядынзе пек парсте.

Ней Петяненэнь 23 иеть. Сон уш знатной ломань. Ветеце не роботы трактористэкс, меельсэ шкастонть аравтызь Каганович лемсэ МТС-нь тракторной бригадань бригадирэкс. Тевенть парсте содамонзо кис, вадрясто роботамонть, лездемонть, ялгань отншениятнень кис сонэз пек вечксызь весе трактористнэнь.


Эсинзэ роботасонзо Петя эрива зярдо невти пример. А стяко сон ламоксть казезель: хромовой кемть,

марто ружия ды лиясо.

Тедиде сон эрива чистэ сокиль нормань коряс кавксты седе ламо, ванстыль 6 килограммт паломанпель. Тракторонзо кирдтнэ ванькстэ, тенень тонавты лиятненьгак. Мезе бу аволь колав тракторсонть, Петя витнекшнесы сонсь. Роботамсто истяк аштекшнемат а эрсить. Ды весе шканть перть сонэз тракторозо пек эзь колсевеяк, савкшность теемс ансяк а покшке витевкст. Петя содасы, кода ветямс тракторонть, парсте роботы. Тевенть терди ялганзояк ды лездем тест.

Н. Симдянов.

Чамзинкань район.



СНИМКАСОНТЬ СССР-нь Советниэнь
Дворецкэ архитектурной проектан-
тень моделесь. Проектанть автор-
нэ—В. Г. Гельфрейх профессорсь,
Б. М. Иован архитекторсь ды В. А.
Щуко академик-архитекторсь.
Фотось А. Троляновсконь.
(Союзфото).

Французской парламентэнь заседаниязо

Июень 28-це чистэнь фран-
цузской од правительствань, ко-
нань пряттокс ашти Шотан, уль-
несь парламентэнь кавонест пала-
татнень заседания. Депутаттэнь
палатасо правительственной декла-
рациянь (яволявтоманть) ловнызе
Шотан, сенатсо — Сарро минис-
трась.

Декларациясонть мерезь, што
правительствась путсы весе виен-
зе мирэнь теветень ды социаль-
ной прогрессэнтень, вансты Фран-
циянь внешней политикань пре-
емственностень, кона (Франциясь)
верной дружественной эсизэ
связьтненень, истяжо Нациятнень
Лигантень. Франциянь безопаснос-
тенть кис правительствась эрва
кода карми кемекстамо сонзэ обо-
ронительной вийтень. Внутрен-
ней политикань коряс правитель-
ствась карми снартнеме покшол-
гавтомс ды келейгавтомс социаль-
ной законодательстванть (конань
ушодызе народной фронтонь про-
грамманзо коряс Блюмонь икелень
правительствась), сонзэ лангс ко-
даткак кайсеематненень атак
нолда.

Депутаттэнь-палатась 380 валь-
гейсэ 288 вальгейтнень каршо ды
сенатось 167 вальгейсэ 82 валь-
гейтнень каршо примасть прави-
тельствань финансовой законопро-
ект. Законопроектсь максы пра-
вительстванть права 1937 иень
августонь 31-це чис примамс дек-
ретэнь коряс весе мератненень, ко-
нат аравтозь государственной фи-
нанснэнь ванстомантень, бюджет-
ной равновесиянь достижениятень
ды французской банкань сырьненъ
запасонь ванстомантень. (ТАСС).

Комсомолец- стахановец

Березники. Шугурова велесэ Се-
менов, Железов ды Исаев ком-
сомолецнэ стахановской методсо
роботазь сисем чис чувств кавто
сидовой ямат.

Чувомань шканть сын киртиз
5 чис.

Потапов Федя.

ИСПАНИЯСО ФРОНТТНЭВА

Мадридэнь ванстыця респуб-
ликаской войскавне успешна тапситъ
фашистской интервентниэнь ды мя-
тежничтэнь виев од атакст. 4
чинь перть бойтнесэ республика-
нецтнэ изиявкт марто панизь Мад-
ридэнь эйстэ пеле чи енкс марто
чи лисема ено, Харама леенть ма-
ласо, фашисттнэнь эцемаст, фашист-
тнэненъ эзизь максо икелень эсизь
позицияст. Сех виев бойть мольты
Сан-Мартин Де-Ла Вега, Мараньос
велетненъ маласо ды Пингаррон
пандо прятть ды Мадрид—Валенсия
чугункань кинь линиянь ютксо уча-
сткасонть. Июень 29-це чистэ рес-
публиканецтнэнь позицияст велксс
те районсонть кепетекшнестъ
мятежничтнэнь самолетт. Фашист-
ской самолеттнэ востозельт рес-
публиканской зенитной орудият-
ненъ виев леднемасо, секс сынест
савсь ливтамс пек верьга. Сестэ
жо, зярдо республиканской истре-
бительтне кепетсь коштонтень,
сынъ (фашистской самолеттнэ) ор-
годсть, бой эзть ушоле.

Республиканецтнэ тапизь фа-
шисттнэнь весе атакст Мадридс-
кой фронтонь лия участкатнесяк.
Фашисттнэде ламот маштозъ.

МАДРИДСЭ УЛЬНЕСЬ МИТИНГ

Компартиянь ды социалистической партиянь объединенядо
вопросонть коряс


Валенсия, июень 29-це чи (ТАСС).
Мадридсэ „Монументаль“ кино-
сонть ульнесь митинг испанской
компартиянь ды социалистичес-
кой партиянь объединенядо воп-
росонть коряс. Митингенть орга-
низовакшнэ объединенной соци-
алистической од ломантненъ феде-
рациясь ды радио велде трансли-
ровали 5 лия залсо.

Митингсэнь кортасть: объеди-
ненной социалистической од ло-
мантненъ федерациянь генераль-
ной секретаресэ Сантьяго Карильо,
компартиянь представителесэ Хи-
орла ды социалистической парти-
янъ секретаресэ Рамон Ламонеда.
Компартиянь пельде Хиорла ер-
тась кемема, што Испаниясо рес-

публиканской вийтне изиять ды
евтинизе компартиянь условиянзо
объединенядо вопросонть коряс.
Ламонеда яволявть, што социали-
стической партиянь исполкомось
бажи объединенянтень ды што
социалистической партиянь ды
коммунистнэнь ютксо арасть ко-
даткак разногласият войнать мар-
то сколмавозь вопроствэнь коряс.

Ксмиунистнэ, мерсь Ламонеда,
яволявть действиянь программа,
кона панжозь весе антифашист-
тнэнь туртов. Социалистической
партиянь национальной комите-
тэсь, кода мерсь Ламонеда, ку-
рок толковасы объединенядо воп-
росонть.

Июень 29-це чистэнь мятеж-
ничтнэнь артиллериясь таго бомбар-
дировизе Мадридэнь центранть.
Бомбардировкась ушодовсь 20 час-
то ды мольты 2,5 част. Теке марто
фашисттнэ столицанть варварской
леднеманзо кис кочкасть истямо
шка, зярдо чинть эйсэ валдомтозъ
ульцятнева якильть ламо ломанть.
Пелеве ено фронтсонгь фашист-
тнэ ветить эцема Бильбаонть эйстэ
чи валгома енов, узловой покш
пунктонть—Вальмаседувтень.
Английской газетатне сермадыть,
што Басктнэнь Маторсонть моли
фашистской виев террор. Мятежни-
ктнэ сех казямосто нарьгить Биль-
баонь робочей предместиятненъ
эрицяст лангсо. Робочей ансяк вей-
ке предместиясонть — Сестаос
маштозъ малав 150 ломанть. Порту-
галеттсэ фашисттнэ ледсть 100 ло-
манть. Вейке эйкакш севнось мя-
тежник, кона ледизе тетянзо. Тень
кис эйкакшось сеске жо машто-
зель. Арболедсэ фашисттнэ кир-
васть здания, конаньсэ ульнестъ
малав 100 ломанть мирной эрицят,
истя жо чавность ды нарьгастъ
аватненъ, штобу сынст кармавтомс
евгнемэ, косот сынст мирдест.



Ленинградов „Сантай“ парходсонть
састь малав 1500 эйкакшт Басктнэнь
Маторсто. Эйкакштнэнь марто
састь Испаниянь 75 педагогт.

СНИМКАСОНТЬ: испанской эйкакшт
нэ, конат састь Ленинградов. Вите-
ендо кершев: Агустин Сагомото (Сан-
Себастьян) ды Хозе Перепра (Бильбао).
Фотось Халкинэнь (Союзфото).

Японо-манчжурской провокация

Благовещенск, июень 30-це
чи (ТАСС). Июень 29-це чистэнтъ
Сычовский (Сеннухи) островонть
маласо Амур лейсэнтъ, японо-манч-
журской катер леднесь советской
пограничной постонть лангс. Со-
ветской пограничной постонть ен-
до ответной леднемадонть мейле
японо-манчжуртнэ Амуронть манч-
журской берег лангсто ушодсть
артиллерийской леднема советской
берегонть малава укшныця погра-
ничной минек катерэнь лангс, ко-
нась тень кувалт тапавсь. Минек
катерстэнь маштозъ кавто ломанть
ды колмо ранязь. Японо-манчжур-
ской катерэнь минек пограничной
катертнэ саизь буксирс ды пачтизъ
советской берег лангс.

ИТАЛЬЯНСКОЙ ПЕЧАТЕНТЬ НАЯВ ВИТЬКСТАМОЗО

Рим, июень 30-це чи (ТАСС).
„Гадзетта дель Пополо“ печатась
икельсэ статья „Мекс минь воюви-
нек Испаниясо“. Фашистской газе-
тась овси а сепи Испаниясо ита-
льянской интервенциянь фактонть.
Ней кортамось моли уш аволь
„доброволецтнэде“, но Италиянь,
прок государстванть, Испаниянь
тевтнес эцемадонзо.

„Италиянь интервенциясь,—ци-
нична сермады газетась,—кармась
улеме эрвиксэкс. Те интервенци-
явтомонть Испаниянь судьбазо
умок уш улелель бу решазь... Ан-
глийской цидярдоманть каршо
стятъ Италиясь ды Германиясь.
Эривсь мешамс Испаниясо боль-
шевизманть изиявксонть. Эривсь
эцемс ды виенть каршо аравтомс
вий. Те ульнесь теезь ды карми
улеме теезь икеле пелевгак, бути
те карми эривома... Вана мекс
минь воювинек Испаниясо ды ано-
ктано воювамс икелень коряскак
седе пек“.

Истямо витькстамонть мейле,
што испанской мятежничтнэнь ос-
новной виекс аштитъ омбо масто-
ронь интервенттнэ, конат Франко
генералонть идизь неизбежной по-
ражениянь эйстэ, итальянской пе-
чатесэ наяр сермады Испаниясо

омбо масторонть „доброволецт-
нэнь“ мекев тердемадо вопросонть
каршо, кона кепедезь лондонской
комитетсэнтъ.

ИНСАРОНЬ ПЕДАГОГИЧЕСКОЙ УЧИЛИЩАСЬ

ЯВОЛЯВТЫ 1937-38 ТОНАВТНЕМА ИЕНТЕНЬ СТУДЕНТЭНЬ ПРИМАМО

Примзвить 15 иесгэ 35 иес возрастсо граждат, конатне прядызь аволь полной
средней школанть
Тонавтнеме сыцятненень кармить улеме ютавтозь испытаният истямо пред-
меттнэнь коряс:

Рузонь иеленть коряс (устна ды
письменна)
Арифметикань коряс (устна ды
письменна)

Алгебрань коряс (письменна)
Геометриянь коряс (устна)
Географиянь коряс (устна)

Мокшэрзянь класстнэненъ тонавтнеме сыцятненень эрива максомс испыта-
ниянтень родной келенть коряс (устна ды письменна).
Педучилищас примазтненень карми улеме максозь стипендия, успеваемостень
коряс ды максомс общежития, ули столовой.
Примамодо заявлениянь марто эрива максомс подлинникс истят документт:
метрик шчэмадо, свидетельства образования, кавто фотокарточкат.
Заявлениятне примзвить августонь 20-це чис, испытаниятне кармить молеме
августонь 20-це чистэ августонь 28-це чис.

Дирекциянь.

1-2

Шкань ответ. редакторсь А. БРЫЖИНСКИЙ.